



忠孝福下卷

第十六齣 宣詔

中呂行香子外扮黃門官上日麗春暄雲爛星繁照興
朝鳳翥龍蟠元良受命寰宇騰歡賀新君承新詔做新
官

集社春殿晴曛赤羽旗雙瞻御座引朝儀與王會靜
妖氛氣文武衣冠異昔時自家大宋皇帝駕前黃門
官是也俺皇上帝香孩叶兆光騰夾馬營中黃袞加身
兵擁陳橋驛裏點檢當為天子符吉語於殿前天下
從此太平驗笑聲於驢背因此周家遜位宋室改元今

當登極之初，正值視朝之始，三千世界頓改舊觀，九
五大人特頒新詔，百僚拜颺而歸命，大廷臚唱以矢
音，曉箭已過五更，靜鞭且聞三下，東西雙闕紛紛待
漏趨朝，文武兩班整整揚塵舞蹈，俺職司宣旨，理合
站班，早在此伺候。末：蒼髯袍笏上。集杜：聖壽宜過
一萬春，生帶鬚袍笏上。今朝喜氣滿乾坤。小生白鬚
袍笏上。雲移雉尾開宮扇，淨鬚鬚袍笏上。知有從來
天子尊，末：下官宰相趙普是也。生：下官司空王溥是
也。小生：下官侍中范質是也。淨：下官學士竇儀是也。
合：今日早朝，就此排班行禮。舞蹈介。萬歲萬歲萬萬
歲。外有聖旨：羣臣跪聽者。衆萬歲。外：聖旨第一
道，忠臣義士，國家之寶也。發潛闡幽，史臣之職也。勝
國殉難諸臣，雖與本朝相抗，實乃各爲其主。若避忌
不錄，歲久事湮，不惟埋沒忠良，且無以爲千古事君
者勸。着趙普、王溥爲脩史大總裁，設局編纂，務期覈
實，以備覽觀。末生領旨。

中呂 王馬聽殷鑒，周觀莫把前朝忠義瞞。與那比干封
墓，雍齒封侯，同是激獎衣冠。他當日心丹一寸，報金鑿
恁不教汗青千載傳銀管。合：新政多端，就這褒忠勸義，
真是最難緩。

末生下外聖旨第二道賢才者國家之楨幹科目者仕進之階梯前朝賄賂公行致令賢良肥遯今日那家新造亟宜旁求俊乂以共襄太平着范質竇儀爲大主考開科取士爲國求賢以備擢用小生淨領旨前腔光國同觀水鑑冰壺人怎瞞想那賢良文學孝弟力田無不踴躍彈冠他日的梧桐飛鳳奏鳴鑾今日裏棘闈繡虎勤拈管合穩步雲端只這開科取士真是最難緩

小生淨下外聖旨第三道用賢必須去奸懲惡所以勸善前朝奸惡苗茹花薺竊權亂政致使周室淪亡

尚猶覩然而日來地朝廷若不早賜翦除何成政體着殿前校尉拿交刑部獄中嚴審正罪內應介領旨外鄭重宣綸畢從容退食遲下末上旣操袞鉞千秋筆生上先寵綵綸一代豪據有長洲縣諸生殷儉瀝血陳詞稱伊父敦旭巡按山東守城殉國情事可憫末卽行查驗事實真確不虛并有同時死難之歷城縣令韋宣合理合奏明卹贈以仰體聖主闡揚忠義之至意作入朝介內大臣等所奏何事末生跪介臣等謹奏

前腔汗史鉛丹見浩氣冲天白日寒是盡忠故主力守

孤城萬目齊觀，韋宣所墜城糜爛，碧爲肝，殷旭呵，刎身，
决裂鋼爲腕，這都是勝代祥鸞，請聖恩軫卹，宣付纂脩
館

〔內〕聖旨下，依卿所奏，殷旭着贈大理寺卿，韋宣着贈
光祿寺卿，〔末生〕領旨，〔下〕小生上，文運天開，羅國士，〔淨〕
上，制科人盛報昌朝，近日奉旨開科，衡文選取，極一
時之盛美，不勝收，小生今拔其尤者，得三百餘卷，進
呈御覽，恭候欽定，作入朝介，〔內〕大臣等所奏何事，小
生淨跪介，臣等謹奏

前腔鳳詔銜丹，蕊榜天香，關廣寒，這都是揆天異彩，擲
地宏聲，遂爲絕世奇觀，他經腴穠，浸飽傾肝，便筆花怒
發，豪舒腕，可知是昭代鸞鸞，請欽題甲乙，好選入翰林
館

〔內〕聖旨下，依卿所奏，着拆卷題名，填榜張挂，盡賜及
第，〔小生淨〕領旨，〔下〕
第十七齣 盼捷

仙呂入雙
調過曲
步步嬌 旦上 看護檻花陰，搖春晝，縷縷簾波，
溜爐烟，裊半篝，聽得鵲語簷前，且自停繡，小步緩鞋弓，
斜摺凭欄袖。

奴家仲氏早適殷門，公公巡按山東，捐軀赴難，丈夫

尋骸城下剪紙招魂。雖在數年之中，已是前朝之事。今值興王定鼎大典開科，丈夫與兩叔叔因婆婆年高抱疾，不舍晨昏，無奈郡縣有司，早已列名報冊，公車敦促，赴試京師。已過揭曉之期，須待泥金之信，倘得齊鳴三鳳，也可上慰萱堂，不免到前廳打聽一番者。行介。

忒忒合只見杏花枝紅堆着畫樓，不由人步緩緩繞廊拖逗鸚鵡頻喚說屏山如繡，早引我度中門上香堦占芳詠，吉語可到否。

丑扮童子持喜帖急上，並植珠三樹，先攀杏一枝，咏

大娘娘在此恭喜恭喜，許多報人擁上門來報相公高中了。旦中了那一位相公。丑個倒勿曾問得看喜帖上是囉個名字，開看介。旦是般恪，原來二叔叔中了進士了，可喜可喜。小廝你把喜帖掛起來。丑掛介。

旦再往門首伺候去。丑應下。旦。

尹令向來是棣華等茂，這番却一枝獨秀，端的會軼前超後。我家相公呵，吹墳說簾，杏苑先輸第一籌。

我想二嬌娘好不有福，好不興頭，眼見五花誥，七香車受用着也。

品令裙釵一般你冠帔早臨頭，鍾郝妯娌相形儘含羞。

嗟我也。不要太頹了。志氣泥金報喜。倘然臨門首。夫榮妻貴也。值得半生消受。作聽介外邊喧嚷。果有報人來。了一紙紅牋。便夫婿何曾悔覓侯。

〔丑〕持喜帖急上。樂殺樂殺。又中了一位了。〔旦〕又中了誰。〔丑〕自然是大相公哉。〔旦〕看介是殷疇三叔叔也。中了。〔丑〕三相公中哉。亦掛起來。〔掛介〕〔旦〕你將喜帖分作兩邊掛。中間空着。〔丑〕空子當中勿好看。哦。大娘娘是要等大相公報單來填空。只怕勿確个哉。滿城完哉。囉哩去一個中一個下。〔旦〕

豆葉黃。羨滄溟鐵網。次第而收。却遺落了巨枝珊瑚。偏

向賈胡難售。天開文運。妙才盡搜。難信道目迷五色。難信道目迷五色。恰剩了殷家一位龍頭。

哦。我丈夫千里筆骸。孤身請郵道途。僕僕早把學業荒廢。自然不如。兩叔叔十年窗下果教一舉成名。

玉交枝。他那里只因卑幼。向螢燈功夫細求。俺這裏文章未免荒蕪。後枉說個名士魁首。雖然如此說。難道他文章真不如了。兩個兄弟。麼畢竟是詞源倒傾。三峽流筆鋒橫掃。千人走。却緣何明珠暗投。却緣何明珠暗投。或者臨場抱恙。不曾入試。也未可知。

玉抱肚。休文腰瘦。奚囊中心肝怕嘔。雖訖的顯親揚名。

轉隄防疾病貽憂。若不因此，怎麼久無好音。閒庭日影，又西流。此刻無聞懸望，休。

只是三人赴試。二子登科。婆婆聞之，自然色喜。俺只要上慰高堂，也不必私心理怨了。

六么令。萱開笑口，喜見堦蘭發了雙頭。連翩歸妹大姨，留遲和早，不須愁。負薪豈住蓬門久，嫁衣也費娘親手。但是干賒不如一現，今科不中又是三年。教我如何等得。

三月海棠歲月流，少年難駐紅顏舊。恐芙蓉未第，蒲柳將秋，含愁縱使遲遲登榜首。怎及得早早隨人後，我只

得拜求白衣大士了。望空拜介。菩薩保佑丈夫殷儉登科弟子仲氏，愿將年壽折算，只望神明佑至誠求也。教夫婿上瀛洲。

丑持喜帖急上。報報報，殷儉中了。旦嘆大相公的名字怎麼直呼起來。丑快活極子料，不知忌諱哉。大相公也中哉。旦看帖喜介。果然也中了。妙阿。小廝把喜帖掛在中間。丑掛介。旦快發賞封去。丑應下。旦笑看介。

江兒水。喜見名和姓，高標紙上頭。寫的貴府爺殷某奉旨恩科蒙欽授第八名進士。長洲秀京報高陞楊茂這

一定是真的了鐵畫銀鈎料藍榜鈔來非謬

恁般喜事速報與婆婆知道官教病體霍然

川撥棹攀龍手羨三珠同入彀看北堂今日忘憂看北堂今日忘憂聽佳音沉疴早瘳准蛛絲垂未休驗燈花開未休

尾聲祖宗積善兒孫受從來弓冶在箕裘公公呵想你也大霽霜威笑入堦

〔下丑〕巾場上妙殺哉樂殺哉一連三報報个滿堂紅來里哉讓我看介看念介中間是捷報貴府老爺殷諱儉高中進士第八名好東邊是捷報貴府老爺

殷諱恪高中進士第二名好西邊是捷報貴府老爺殷諱疇高中進士第十一名阿喲真正兄弟同榜擲驚个能共一个是一个喲那間第四報一定報我哉報我舍个哦報我新任大阿叔新任大阿叔躡下

第十八齣 蠻警

北仙點絳脣淨藍臉赤髮扮蠻王跳舞上穴地龍胎小天君宰威名大神獸奇哉策勇須壇拜

赤髮銅牙骨相雄九溪天峯小真龍不須鐵馬長驅入藤甲金戈快似風咱家瀘川蠻洞吼靈大王郎呼喚徹便是因俺洞中荒僻欲圖立極中原觀星象的

道咱是天賊星臨凡一定有帝王之分且喜起兵以
來勢如破竹皆虧那幼時所養的火眼巨靈神獸交
鋒之際放出陣前箭逢敵兵把全軍咬死爲此連破
幾座州縣無人敢敵今日攻打滇城却是非同小可
不免將神獅分付一番沒摩利牙那里外扮蠻將雜
扮四蠻兵隨上

回回曲烏利瓦烏利瓦韋得韋得背尼勒烏裡蒙冬泥
亞奇呀呀哇哇愛兒喳哈哈愛尼刮殺呀

沒摩利牙參見大王淨沒摩利牙咱一路起兵虧得
神獸之力連破幾處州縣這是天賜咱成功也如今

攻打滇城你去放那神獸出來待咱再叮嚀一番者

外憂內鑼鼓雜扮大獅子跳上作各樣勢子舞完跪

淨面前介淨巨靈神哥請了咱和你相處到今你可

也識得咱的喜怒辨得咱的言語近日起兵以來破

了多少地方全虧你的功勞每叨全勝今日攻打省

城他那里猛將雄兵可也不少你可放出平生猛烈

咬死他萬馬千軍那時一統江山豈不洒落也獸點

頭介淨驕獅行介

比雙調沽美酒帶太平合喜神獅有將木偶借了獸胞

胎看你臣視貌貅僕虎貅早稱咱奏凱抵一位大元帥

册命你冠裳軒蓋封贈做爵祿勳階鬆下了絡頭拴帶
壓倒那麒麟獬豸咱家呵早則是皇哉帝哉央你去捨
來呀王者獅一定要揚名千載繞場下

第十九齣 鬧遣

仙呂引子望遠行小生巾服上傳經萬卷准備家脩廷獻步
武前人莫做景升豚犬况是鯉訓親承只望鴻名早建
須恐怕駒陰難轉

集杜濁陽餽餒任吾年亦未搏空上九天富貴必從
勤苦得晴窗點檢白雲篇小生殷性是也吾祖御史
公殉難前朝事彰麟史吾父進士公與兩叔父聯飛

上苑名壓鴈班俺父親當日千里尋骸傷心致疾因
此登第之後絕意宦途惟以娛親教子爲樂二叔父
歷任翰林學士官階愈顯寵眷日隆近因祖母壽終
在家讀禮論俺這一輩只有三叔父哀毀先亡未生
子嗣俺長房兩個胞弟殷義殷閑次房三個堂弟殷
堅殷約殷立真是雲初王謝蘭蕙盈增風貌阮何琅
玕觸目俱係騎羊綺歲現稱今日之聖童可知繡虎
妙木儲作他年之吉士我殷性白眉隊裏元方本是
難兄黃絹場中康樂何慙羣季早已學成文武藝思
量貨與帝王尚須再用琢磨功庶幾慰吾父母古人

已用三冬足年少今開萬卷餘你看明窓淨几不假
螢囊玉軸牙籤堪資獮祭乘此晝長人靜不免取經
史子集細細溫習一冊者看書介

仙呂桂枝香義經麟傳龍門班掾看老莊派別儒家又
過曲潘陸風高詞苑將筆點書介總源流聖賢源流聖賢精
神活現文章如面費鑽研不數那李善書為麓王珣筆
似椽

又羅書介這是孫吳翰畧之書也再熟復一遍古云
文能經邦武能定亂不可偏廢的

前腔兵家奇變軍機諳練待運籌帷幄如神須聚米山

川如見是陰符秘傳陰符秘傳通其關鍵神於雷電圈
點介費丹鉛要蘊蓄胸中甲須揣摩圯上篇

方纔讀書大有解悟待俺做下經解十條史評百首
兵法注疏一篇不免就此構思則個磨墨蘸筆吟哦

介生便服上集杜籬中秀色畫屏紆懶性從來水竹

居青眼高歌望吾子男兒須讀五車書俺殷儉自從

釋褐以來絕意仕進一經教子聊以自娛大兒般性

年踰舞象才可雕龍意欲令其入都赴試且到書房

中探他志向如何作入介孩兒在此做什麼文字小

生揖介爹爹孩兒在此做史評百首經解十條脫稿

甫完正欲呈覽生看介

前腔這史評呵懸河雄辨登峰高見似老吏斷獄才情
便千載無逃懲勸這經解呵玄之又玄之又玄分明
條件足令先儒焚硯孩兒邇來學問一發竿頭進步了
將筆圈介好加圈黃比曹娥緝青同學士錢

小生孩兒還有兵法注疏一篇求父親筆削生看介
大有見解發前人所未發

前腔曹瞞會擗牧之堪羨倘前人見此新篇定閣筆評
章稱善孩兒他日呵把芸窗這編芸牕這編鑿坡呈獻
定博個楓宸憐眷卜他年儘好去鳳藻文經國龍驤武

定邊

兒你學業大成我意要你上京應舉你叔父將來服
闋還朝不愁無處依傍未知兒心下如何小生孩兒
向有此心不敢冒昧上稟生恐你母親見你年輕未
免放心不下且請你母親出來商酌旦上雨過琴書
潤風來翰墨香相公你稽查孩兒功課如何了生且
喜學問大長呵上京應試了旦如此何不叫他出門
生誠恐你捨不得他遠出旦說那里話男子志在四
方豈可依戀家園把前程耽誤

長拍矯矯男兒矯矯男兒翩翩公子莫向故園留戀膏

梁紉袴古者所恥。况吾家義方相傳。小生爹娘有命。孩兒徑自出門了。只是遠離膝下。究難爲情。旦笑温母把裾牽。付征衫遊子。手中縫線。但須擇一吉日起行。纔是你初出茅廬。赴帝里。須吉日始揚鞭。生明朝是黃道吉日。只恐來不及。另揀個日子罷。小生既是明朝吉日。孩兒就是明朝起程。旦好。他絕不九迴腸轉。是膽雄氣壯。不負英年。

生分付小厮預先收拾書籍行李。旦孩兒年輕。還要着個老成蒼頭作伴去。生這個自然。

短拍小生。瑤瑁裝書。瑤瑁裝書。珊瑚架筆。載風騷。

江船生旦還有句話分付你。你出門未慣。須要宴起早眠。加餐減慮。不要用功辛苦了。小生爹娘放心。孩兒自知調攝。生旦一向的膝繞畫堂前。忽爹媽忍心的撒遠。

此去離鄉背井。托魚雁日日報椿萱。

孩兒明日遠行。早些歇息罷。集杜賢聲。此去有輝光。旦漫卷詩書喜欲狂。小生射策君門期第一。合五更三點入鵷行。同下。

第二十齣 廷對

南引子步蟾宮。未冠帶上東吳甲第。鳴珂里幸黼黻昌朝。平世筦中樞。推轂建旌麾。不但文章勳績。

集杜方駕曹劉不啻過黃金臺貯俊賢多龍文虎脊
皆君馭勲業終歸馬伏波下官殷恪是也自服闋還
朝之後主眷益隆當太平興國之年蠻方告警蒙旨
特擢下官大司馬之職承詔征滇并令自辟叅軍同
往俺見姪兒殷性現今肄業成均足智多謀才兼文
武還有毛虛賈撰兩個平日也究心韜畧因把三人
連名進呈伺候大廷對策用舍去取出自聖裁且待
他們到來一同引見外副淨小生儒服上
前引外東華門外紅塵細副淨看鳳闕雲中雙啓小生
覲楓宸咫尺引朝儀草莽微臣慙慙

小生殷性副淨自家毛虛外自家賈撰請了蒙殷老
先生薦入大廷面對平蠻之策不免同在午門伺候
衆見末揖介末都來了且靜聽傳宣老旦扮內監上
晝漏稀聞高閣報天顏有喜近臣知見末介萬歲爺
有旨着老先生率領毛虛賈撰殷性三人到便殿上
對策末領旨衆行介玉几由來天北極朱衣只在殿中
間老旦已到便殿宣聖旨三人俯伏介老旦制曰
南蠻不靖蹂躪滇黔一方之水火日深九重之宵旰
彌切特興虎旅往討蝸爭戰守何從勦撫孰便其各
抒所見以備材擇三人萬歲老旦奉聖旨對策之人

俱給筆札茶飯并賜錦墩命坐即着殷恪監臨完卷
候旨定奪末同三人萬歲萬歲萬歲老旦下末旁坐小
生外副淨各執卷下坐介

南呂過曲梁州新郎小生車書爲一東漸西被何況風聲南
暨何來蠻蠢居然自阻天威自古殷宗撻楚召虎征淮
雅頌魯褒美今日呵峒獠也不中受鞭笞官取南中得
勝回臣謹奏籌邊計斷無過致討聲其罪抒鄙見妄條

對交卷與末介

前腔換頭外論邦國極重邊陲况蠻醜尤業奸宄擾滇
黔只怕所關非細須是堅其壁壘守我封疆緊把

閉休教輕舉損天威要防禦多方牢護持臣謹奏籌邊
計斷無過固守嚴其條抒鄙見妄條對交卷介

前腔副淨自古待荒服只在羈縻本不用臣人享贄况
蠻獠不過是聚蜂屯蟻何必費中原軍馬內府金錢枉
去填邊裔不見那瘴烟毒霧五陵谿須戒兵凶與戰危
臣謹奏籌邊計斷無過偃武捐其地抒鄙見妄條對交

卷介

老旦上舍人退食收封事宮女開函捧御筵對策完
了麼末對策已完即煩公公啓奏老旦老先生同着
諸生候旨末曉得老旦下末方纔策上諸生如何說

的外晚生說是要守。小生姪兒說是要勦。副淨晚生說是不。要睬他。老旦上。聖旨下。三人所奏俱有吐猷。殷性之言。尤合時務。毛虛賈撰兩人。留在內閣聽用。殷性欽賜進士。即日署爲叅軍。并賜金印一顆。寶劍一口。以彰特寵。謝恩。外副淨謝恩先下。小生冠帶佩劍。捧印謝恩。介老旦向小生揖介。先生恭喜。小生不敢。老旦殷老先生。明朝吉日良辰。萬歲爺臨軒推轂。賢竹林須早到朝堂伺候。末小生領教。老旦請了。下。末姪兒恭喜你。一舉成名。只是行軍須要謹慎。那喇蠻狡獪。非常出奇。制勝之道。畢竟如何。小生叔父這

是要親歷其地。相機而行。不可預料者也。

節節高。因時以制宜。運兵機。須是臨戎。決勝難懸擬。能施計。慣出奇。須神秘。末姪兒。你真個禁中頗牧。庭中薏。鵝雛驥子。吾家瑞合。管取南行凱歌。旋摩天銅柱。垂南。禽。尾聲。合明晨策遣辭丹陛。便萬里塵吹鐵葉衣。人道是。儒將風流。借問誰。

集杜末英雄見事若通神。小生鳴玉鏘金盡正臣。末。麾下賴君才。並入小生。早聞黃閣畫麒麟。同下。

第二十一齣 決勝

生副淨扮二都督雜扮二軍士隨上旗穿曉日雲霞
雜山倚秋空劍戟明咱們殷大元帥麾下將官是也
元帥奉詔征蠻已入滇境即刻升帳在此伺候內吹
打末金盔蟒袍上

越調杏花天風行電掃天兵過踏滇池重生伏波甲光
耀日旌旗暗一片石銘功預磨

集杜昆明池水漢時功萬國兵前草木風共說總戎
雲鳥陣飛揚跋扈爲誰雄俺殷恪九重奉詔萬里征
蠻令肅三軍功期一戰但看蠻苗之勢蟠結踞滇城
已久地大兵雄須善用權謀相機進勦且待參軍出

來斟酌而行便是小生冠帶上殺氣橫千里軍聲動
九區叔父拜揖末贊姪你看賊勢頗壯我客彼主何
以運籌決勝一舉萬全小生姪兒算計已定叔父但
憑姪兒指揮何如末使得小生左右兩軍都督聽令
衆應介小生左軍都督統領一千兵馬偃旗息鼓從
無人之地直抵瀘州搗其巢穴斷其歸路蠻王逃竄
回來或擒或逐不可擅殺俺有用他之處生得令下
小生右軍都督統領三千兵馬圍住滇城用神機大
砲攻其要害破城之日蠻王倘若逃走便一路追到
瀘川不可令其旁逸副淨得令下小生俺大軍拔營

忠孝福
前去離城三十里駐劄以爲聲援衆應行介

越調水底魚半合躍馬揮戈軍中殺氣多天威雄大掃
過曲平直甚麼掃平直甚麼下

丑扮蠻王外扮蠻將引二軍上

前腔半在此穩坐狠如天上魔誰來欺我敢將熱氣呵
敢將熱氣呵

咱自從起兵到此占住城池無人敢問耐耐宋朝差
什麼殷元帥要來征戰今日攻打西門咱已分付臣
靈神獸沖出陣前曾教他抱頭鼠竄沒摩利牙咱和
你上城頭觀看者立高處介內鑼鼓獅子咬一卒拖

上場作勢拖卒下外大王那神獸已咬着官兵來也

淨妙呵你看官兵已退下數里之地了

包子合他衝突官兵無處躲外無處躲淨神獅一吼血

滂沱外血滂沱合待他咬落頭千顆頭功第一勝嘍囉

好乘機去奪搶宋山河下末小生引二軍上

南呂東既合攻城事問如何料已成功打捷鑼丑上身

過曲是先鋒探子來報緊急軍情末報什麼丑方纔攻城之

時蠻賊大開城門跳出一獸身高數丈口大十圍東突

西冲逢人便咬咬得俺官兵七零八落俺右軍都督已

退軍三里之外不敢上前這獸委實利害得緊磨牙吐

燄紅如火俺不勾淹涎唾末他軍中有此惡獸難以力敵何不取大砲打他丑砲也沒用那硝芒鐵彈也消磨似一抺澹煙拖。

末這却什麼法兒處置他好小生棄人用獸雖猛何爲姪兒聞得蠻王專靠此獸此獸又只服得蠻王俺兵初到未認得蠻王模樣所以不曾用着此計如今軍士們都已認得只消選一勇士假扮蠻王一般模樣待他放出此獸之時俺這邊假蠻王出去喝住他不許走動咬人這獸畢竟是個獸心沒有人的智慧自然誤認爲真伏地不動那時多用幾個力士縛住殺了便可進兵末妙計妙計速速撈個假蠻王藏在右軍都督營中殺上前去。

劉袞合兵行詭兵行詭何妨偽袞袞勝筭神機安排貼妥待看假蠻王把巨靈囚鎖眼見賊巢隨風立破

下淨外引二軍上

薄媚袞癡元帥軍馬又來充俺神獅餓副淨引軍冲上大小三軍殺上前去淨立高處望外迎敵介來將何人副淨教你蠻賊早獻頭顱何暇問俺名姓戰介外敗副淨追殺外下淨不好了沒摩利牙被宋將殺了巨靈神哥快快出去獅跳上假蠻王上畜生大將陣亡你來遲

誤事不許走動，獅伏地介。內鑼鼓衆軍上，縛獅隨假蠻王下。淨不好了，巨靈也被那邊縛去了。哭介：何處野蠻，何處野蠻，收了咱家神獸巨靈哥。雜扮蠻兵，敢走上大王不好了，官軍攻破我城池了。淨：噯，城池破了，罷罷，只得收拾殘兵，護着家屬，逃回瀘川洞，再作區處。合：天要亡咱，天要亡咱，遭奇禍，城池破失了好巢窩。一得夜走瀘川，把餘生暫活。

拖鎗同奔下。末：小生引四軍上。末：賢姪，探子報到，蠻將沒摩利牙殺了巨靈神獸，死了滇城破了，蠻王走了。這都是你的妙策，如今還該怎麼調度。小生：不。

且進駐城中，徧張告示。一面安撫良民，一面招降餘衆。那蠻王逃去，必歸舊巢。俺左軍都督預先占住瀘川，他已無處安身。右軍都督一路追截，他又難投別處。進退兩難，一定要來降順了。那時削其王號，封爲酋長，叫他做個總領，曉諭諸蠻，永奉天朝，年年入貢。這纔是個長策。末：賢姪所言，句句合吾之意。大小三軍就此整隊入城去。衆應繞場行介。

正宮：普天樂，合：仗天威，三軍賀，把點蒼，插昆明，簸擒和。遇曲：縱擒和，縱擒孟獲，么磨料，南人永息干戈，咏待邊隅萬安。班師奏凱歌，那時節，凌烟閣上，閣上圖畫，崑崙同下。

第二十二齣 投誠

淨拖鎗跳上阿啣啣好苦也上天無路入地無門若
想蠻王活命除非漢將開恩咱家吼靈大王郎呼喚
徹是也數年以來靠着俺神獅威武攻奪州郡盤踞
滇城好生灑落那曉得天兵下降決勝如神拭淚介
我那神獅阿竟被大宋叅謀殷性設計害了又將滇
城奪去咱統領殘兵挈帶家眷逃回巢穴却已先被
天兵占定無處栖身咱想宋皇帝是仁德之君殷元
帥是慈良之將或者可憐窮寇免咱一死亦未可知
在已投了降書不免自縛求見當面哀懇倘容

咱已備下酒筵女樂畧表孝敬之心來此已是大營
未知元帥何時升帳只得轅門外席地伺候丟鎗坐
地介二軍引末小生上集杜末見賊惟多身始輕武
陵一曲想南征小生尚書勲業高千古幕府秋風日
復清末賢姪今日蠻王果來歸順自古誅降戮服兵
家所忌今依你主意削其王號立爲蠻長着他約束
羣蠻將功折罪何如小生這便是上天好生之心聖
朝柔遠之體末左右傳蠻長進見二軍傳介郎呼喚
徹進淨進介有作蠻禮叩頭介小蠻蟻丸逐臭螳臂
當車勞動天兵罪該萬死伏求元帥赦其已往許以

自新便當約束羣蠻永無侵叛誓作守籬之犬不爲
跳井之蛙。殼竦求生，悚惶待命。末郎呼夔徹，皇宋受
命，率土皆臣。汝既悔罪，自新須削去王號，稱爲蠻長。
約束諸峒，永順天朝，無蹈前車，致貽後悔。淨叩謝介。
蒙元帥不殺之恩，敢不惟命是聽。起介。

北越

紫花撥四仰天威，遠震蠻方。把蒼山黑水都搖蕩，
急得咱角兒崩稽首歸降。纔服煞大朝廷配天無兩。

末郎呼夔徹，你既歸順天朝，可將你一向竊據的地
方，僞設的官屬，一一道來，待俺查核回奏朝廷者。淨
元帥聽稟拱手介。

胡撥四犯小蠻無狀，乞怨俺小蠻無狀，作勢介。寫江山
少不得要伸眉抵掌，俺南詔邊疆，連接着銀生弄棟，哀
牢上過沉黎一水，跨瀾滄便占了這小瀘川洞，長統轄
他夔夔蠻羌。末還有幾處形勝，淨這一邊磨些邊，啖那
一邊洱海，荀江這一邊連十臉白，厓勃弄，那一邊排六
詔，鶴拓，苴咩末地方廣濶，那鎮守的官吏，可有多少。淨
有幾員是坦綽，澹酋，拳旗，石虎，有幾員是兵獠，布燮，躍
馬，紅鴛，有幾員是朱弩，佉，苴摩，天鶻，落有幾員是羅苴
繕，覽，蹋地，鷹揚。末似這許多官屬，而今安在。淨誰知道
天兵剎那從天降，教俺一窩兒都散場。小蠻今日呵，解

不介解下了連鎚掇刀豁刺的響。拋却了暝子鐔斧閃
爍的裝。探懷中物獻介。奉申個鐸鞘鬱亦謹具的琥珀
與那沉香可憐俺新敗軍窮地主。沒什麼孝敬孝敬到
麾幢末。俺此來奉行天討。那里受你土物。一槩不收。淨
元帥如此清廉。小蠻無以為敬。薄具酒席。一筵女樂。一
部稍展鄙私末。也不必。小生素聞蠻俗長於歌舞。這却
無碍何妨。一觀末。既如此領意便了。淨向內介。蠻姬們
進。副淨丑搽脂粉。同老旦正旦四人。螺髻瓔珞。插花短
錦襖。長繡裙。扮蠻女。持酒壺樂器上。合。俏蠻姬一雙一
雙。敢博個鑒賞鑒賞。衆叩見介。展朝霞。滅繡兒。隨風颺。

打扮的鬢纓小粧。流蘇小襠。進酒介。捧着個馬頭盤銀
打的平脫樣。把波羅作障。絳氍毹也成行。末。你們吹彈一
回者。淨衆領命。坐地彈琵琶。打鼓板。合唱介。呀呀呀。俺
這里銀指甲。把虺皮包的鼉首箏。搗響檀木杖。把象齒
釘的雞婁鼓。擊鐘奏軍中。一曲一曲蠻孃末。你們歌舞
一回者。淨衆領命。同舞唱介。早把那舞裙兒舞裙兒。蛺
蝶般輕搖漾。蛺蝶般輕搖漾。叶着那笙篴節奏。管雙簧
是闌土丁。零曲子。腔說甚的小蠻兒。玉也麼。玉沒馱彌
歌得慌。還舞得慢。似驚鴻欲飛未翔。舞得快。奮袖低昂。
儘按定宮商。蘇謾兒。昌昌扈那兒。洋洋掣覽兒。堂堂遏

忠孝前
畧高張來乃輕揚摩禮嬪嬙烏特姬姜把桃臺歌唱答
都舞仗儘數徜徉慙愧俺慙愧俺化彩雲的風流風流
休要想

歌舞畢介末蠻中歌舞頗有可觀女樂們外廂伺候
領賞衆女叩謝下末郎呼夔徹俺把瀘川洞給還與
你須謹遵號令不得有違淨

煞尾蒙大惠照拂俺這命且還鄉叩謝介表私心祝頌
你出將這人相歸落得掃掃天將南方瘴癘消赤緊的
囑兒孫把中朝成德節
跳舞下小生蠻酋心悅誠服踴躍歸降叔父此行動

莫大矣末全賴天子之威靈衆軍之効力賢姪之參
贊我何功之有小生蠻酋既服邊徼粗安但城堡宜
添設駐防宜移置田地宜開墾土漢宜分別種種區
畫安妥使聖上永無南顧之憂然後奏凱還朝未晚
末賢姪所言正合吾意集杜榘鼓鳴鐘天下聞數看
黃霧亂玄雲小生包茅重入歸闕內三日成功事出
羣同下

第二十三齣 擢職

老旦扮太監捧詔書上劍佩聲隨玉墀步衣冠身惹
御爐香咱家內監便是只爲南蠻作亂朝廷特遣六

司馬殷恪領兵往勦，擢他姪兒殷性爲行軍叅謀。恢復了多少地方，永絕邊患。今已凱旋，萬歲爺十分歡喜。特陞兩人之職，着咱到門宣旨，以示優崇。王命如綸，不敢遲玩。急須走一遭者。斧展承丹詔，沙堤下白麻。下末小生冠帶院子隨上。

仙呂引子 小蓬萊末 笳鼓歸來宜競奏，凱歌歡洽宮庭。小生清寧六合風雲際，會長保勳名。

集杜末 憶過瀟戎摘荔枝，雪殘鳩鵲亦多時。小生衣冠是日朝天子，萬一皇恩下玉墀。末 賢姪，俺和你奉詔平蠻，幸不辱命。昨早陞見之時，龍顏大悅，指日論

功陞賞。只是你武功遠著，請纓已驗終軍。文譽雖騰，給札未逢楊意。昔燕然之勝，銘出孟堅。淮右之平，碑成韓愈。皆有斐然之作，俱爲卓爾之篇。賢姪胸羅二酉，筆走六丁，何不撰平蠻頌一篇，進呈御覽，顯得你文武全才哩。小生 姪兒原發此想，因題目大了筆力，不足以赴之。末 休得過謙。

仙呂過曲 一封書般才子著名，與班韓堪並騁。平蠻事可稱，況親身幫做成。繪寫皇威傳萬載，也顯得天朝能用兵。看他人宴紅綾，不如你一紙碑銘。文譽騰。

小生 叔父如此獎勸，姪兒只得勉強構思。下末 院子，

取文房四寶來雜送筆硯介小生作寫介

前腔憑天子寵靈蠢南蠻徒報警勞元帥遠征仗天威
一路平大宋聲靈赫赫濯勝周室成王商武下愧微臣
叅從行謹作頌屏營來進呈

末完了麼真是筆不停綴文不加點小生求叔父斧
削末念介皇宋太平興國二年南蠻弗靖擾滇震黔
天子赫怒密授方畧于大司馬臣恪往問厥愆懲撫勦
唯便既至師一軍搗其巢一軍攻滇蠻無所逃命崩
角稽首誓永爲中國不侵不畔之臣南方大定行軍
叅謀臣性謹拜手爲頌曰集詩經胡爲虺蜴居國

鄉方茂爾惡敢距大邦於爍玉師用邊蠻方一月三
捷告成于王王旅咄咄自天子所脩我甲兵捷彼殷
武既有滿威仍執醜虜有此武功莫如南土南土是
保王心則寧王曰旋歸依其在京天子之功永觀厥
成天子萬壽如日之升好古雅典茂駕西京而上之
持此進呈必邀特達之賞老旦上鳳書銜五柞麟閣
拈三椶來此已是殷家子雜稟老爺內監奉聖旨到
末小生接介老旦奉天承運皇帝詔曰日者峒蠻倡
亂肆擾邊疆爾大司馬殷恪奉詔徂征永奠南服叅
謀殷性贊決機務共成大功朕甚嘉焉特拜殷恪爲

大丞相殷性爲翰林學士，參贊經綸，主持館閣，欽哉。謝恩末萬歲萬萬歲。老旦學士爲何不謝恩？小生愚意，今方初仕，欲求外任，有司身親民社，可以澤及百姓，利益地方。這翰林學士，情愿讓與父親，敢煩公公將此下情代爲啓奏。老旦天子優崇先生，謙讓，真是兩盡其道。咱卽此回奏便了。末舍姪纔做一篇平蠻頌也，煩公公進呈，何如？老旦使得。末付頌介。老旦鄭重宣君命，周旋達下情。下末賢姪那御筆親題學士銜，爲何推讓起來？

皂羅袍小生重任何堪，僥倖愧微臣新進躡等。而林多少者，備在蓬瀛，我弱齡晚學，官難稱父親呵。他早棲泉石朝班，未登極宜，鷓鴣經筵所能。因此上頭銜讓却非遺命。

末你此舉一則出于孝思，一則表其謙德，甚爲有理。但是辭了清華之選，到要做州縣之職，此如何意思？小生這也有個意思。

前腔利器何從，憑証遇蟠根錯節，始展生平。百里花封，著賢聲民人社稷，堪爲政姪兒呵。隱居求志，絃歌願聽，量能擢職烹鮮，可勝何敢勲勞，未積千朝稱。

末賢姪見識過人，大有主意，但不知聖上允否如何。

老旦丑扮小監捧金幣上。漁汗頰稠。憂謙光荷曲全。聖旨又到。小生接介。老旦。皇考詔曰。咨爾欽賜進士殷性。武功丕著。謙德彌光。讓官階。則見其孝思。就民社。可知其實學。特允所請。將翰林學士之銜。轉授爾父。殷儉在家食祿。不必赴京。殷性願爲外官。暫授真定府臨城縣令。以待不次之擢。其所撰平蠻頌。直追三百之遺。特賜黃金彩緞。以爲潤筆。欽哉。謝恩。小生萬歲萬歲。老旦請過聖旨香案。供着雜接介。老旦賢竹林。疊膺聖眷。不勝恭喜。末小生請坐待茶。老旦不消了。咱去。復旨要緊。老先生們謝恩。也不宜遲請。

了。下末賢姪俺位極人臣。你眷隆天子。正是報効國家之日。顯揚祖父之秋也。

解三醒念爾祖以忠捐命。鼎革後始蒙卹贈。俺孤兒幸喜遭明聖。今日裏位呵。衡待要椎牛祭墓。雙親難再生。怎及得菽水之歡。膝下承喚高堂慶。雙親未老。我不如。

鄉

前腔換頭。小生呵。感見小時曾記。嘗聽說是尋骸歷下。城忠臣孝子。人人敬信。天道有虛盈。詒謀燕翼。今朝纔報稱。多虧是大阮承先揚。合名叔父顯親揚名。至此已極姪兒志願也。要如此。臣殷性願繩其祖武。不墜家聲。

末我和你先到午門謝恩訖，我便好入閣辦事。你也
要走馬上任了。小生正是。

尾聲合為談兵承君命，沙堤琴署有前程。總要仰答皇
恩輔太平。

集杜末會送夔龍集鳳池，小生碧梧棲老鳳凰枝。末
看君宜著王喬履，小生為政風流今在茲。同下。

第二十四齣 籌稅

黃鐘引子西地錦，生蒼髯方巾便服雜隨上。肥遯長辭朝宗。

湛恩猶賈田廬，年來搜盡林泉趣。偶因拯旱躊躇。

集杜馮唐已老聽吹噓，富貴功名焉足圖。小邑猶藏

萬家室。幾回書札待潛夫。老夫殷儉是也。孩兒殷性
隨俺二弟平蠻有功，蒙聖恩授翰林學士。孩兒啓奏
以學士之銜讓我，聖恩俞允，教俺在家受職，別授孩
兒臨城縣令。歷今在任五年，興利除弊，地方受益不
意今年久旱，臨城田畝顆粒無收，錢糧失措。孩兒不
忍催科，欲捐橐代完，奈一清如水，無從辦納。有心
無力，蒿日憂思。俺為父的也不忍坐視。昨已將遺產
變賣，可得千金。一向孩兒歡迎俺夫婦到署奉養，因
散澹慣了，不喜署中拘束，推辭不往。今待銀兩齊備，
倒不免要走。一遭院子等中保來時，上緊把這交易

成就以備急需者雜曉得同下淨唱上

過十棒鼓中人媒保咱獨步出進大門戶挨身插脚走
千家僉花着押分一股還愁別人搶咱主顧事情隱然
做殷家賣田土

小子白馬米便是一生慣做中保昨殷太老爺央我
將產賣與南壕牛活孫家已議定田價八百金只要
一邊交契一邊交銀我不單賺得業的三分頭還要
在田價裡邊落些用用纔爲手段唛那來的像是老
麻不要通他得知走罷行介丑唱上

前腔中人媒保咱獨步出進大門戶挨身插脚走千家

要咱做丑押分一股何人先奪我的主顧老牛買田土中

小子麻蒼蠅便是南壕牛活孫暴發財主買田置地
我早探得殷太老爺要變賣千金之產討個草帳攏
掇牛員外成交算做一主大生意那曉得老白這狗
才他已先到牛家做成交交易我氣他不過到殷家搬
个嘴兒打個破鬼掬掉了他纔好唛那來的是老白
我且瞞着他竟走行介遇見各問介何往各答介有
小事不得奉陪各行介又遇見各笑介丑老白你不
要瞞我可是到殷府去淨老麻你一向在牛員外門

不走動，怎麼兩日不見你影兒？丑我方纔在他家密談了半日，並不見你。淨我是昨日會的，老麻你方纔談些甚麼？丑牛員外問我這產可是置得的麼？我說他是世宦，你是暴發，況且這項田土是殷家祖遺，未經分析，是買不得的。老牛說我有錢不買爭競產，另尋罷。這宗交易是不成的了。淨老麻昨日我說得好好的，正要立契成交，你爲什麼在裡邊做鬼？丑你爲什麼瞞着我獨做淨？如今同你到殷家也寫你尊號在契上，分些中人錢用用，何如？丑旣如此，老牛最聽我說話的，不怕他不成，只是中人錢兩個分了有限。

那用價多少？淨八百金。丑老哥，那殷老老生于宦家，不知銀錢艱苦，天平水色全然不懂的。我和你在地價裏邊，打個圈兒纔好。淨自然麼？但是老殷雖是書獃，他家叔們甚是利害哩。作到介門上有人麼？雜上家有賜書門，無雜寶。原來兩位一同在此。太老爺有請。生上傳經有父，簾金少，撫字因兒鬻產多。淨丑小子奉揖，生交易如何？淨丑已經停當，只求文契一面。交銀生可是一千，淨不能只肯八百。生也罷，有原銀便要回贖的。淨丑這個自然。

黃鐘 過曲 啄木兒 生哀鴻羽謀代輸，廢箸鬻財成義舉。變千

金是數畝膏腴，便立個券文爲據。雜持契付淨介文契
在此淨太老爺契上，雖寫足紋足兌，舊例是要折筭的。
生：我是代完餉銀，供藩庫絲毫定須無差誤，不然便韞
匱何煩求價沽。

淨丑小子無有不遵命的，暫時告別，往牛家取銀奉
繳。下生所用千金之外，今尚不穀，不免請夫人商議
則個。雜夫人有請。旦唱上

前腔煩憂債積，逋臨邑蒼生誰救取。見介生：正爲臨
邑蒼生老夫在此變產代償，尚虧三百餘兩，無從措辦。
旦相公一則救了百姓之命，一則遂了孩兒之心，若存

虧少，妾當幫助賣珠，迴再典釵梳，或可湊禮儀之數。生
真是共成好事了。旦了髮取出衣飾來。副淨扮了髮持
衣飾上。旦這是舊時嫁貨奩中貯，從今解囊聊補院
子，你拏去質庫移金三百餘。

雜應持衣飾下。生夫人，吾家世宦孩兒，又現任做官
今要措辦千金，不免典衣鬻產，這便受清貧之累了。
旦廉吏家風，正該如此。

三段子生：宦家儘窶，扇清風籬金未儲，宦帑儘虛救疲
癯，流膏未蘇，只得棄田與衣，相資助如期，速往完逋賦。
那時節，泌水忘飢，原不苦。

雜持銀上疾忙離典舖清割繳銀錢夫人止典銀三百金在此生也罷旦相公收拾好了

前腔嫁奩幾許媿釵荆原非夜珠欠額有餘聚塔沙聊寬鮒魚只怕趙州小民飢荒處鳩形鵠面嗟何暮相公你待白鏹齊時及早離鄉土

生這個自然淨丑將銀上勞碌憑雙脚虛花靠兩唇旦副淨下雜田價有了麼淨丑有了生院子彈兌起來雜契寫八百爲何只有七百淨田土交易是九五折足紋又九五折天平九七兌故此只該七百兩

歸朝歡淨丑成交易成交易定有折除俺何敢欺賄貴

府雜豈有此理你欺心甚欺心甚太覺子虛掩門庭怎容你胡言亂語淨向雜丟眼色丑向雜做手勢介雜你許我酬謝俺豈肯利令智昏欺吾主須要牛家覲面交銀數看你蟻蛀蠅蠶有辨無

生罷了既在俺門下走動只當各人奉贈了五十金罷淨丑太老爺竟送與俺兩個多謝多謝作出門介唵這橋生竟做養子賭場裡去誦下雜老爺該追他的甚麼好說宜子他生他們靠此爲活我又不是當家老爺的罷了

前腔蠅和蟻蠅和蟻鳥獸不如一家裏也要生男育女

咱何必咱何必笑錙較銖與他們一般兒爭阿堵你把
兩項收拾一處打點行李明日便行只爲旱荒救民千
餘戶沒工夫瑣細把朱提估巴不得奮翼凌風早就途
集杜孤舟一繫故園心與致溪邊十畝陰但使閭閻
還揖讓莫愁父母少黃金下

第二十五齡 捐賑

南呂滿江紅半小生冠帶上撫字無才房子國哀鴻徧
野活民命是東山霖雨遠來子舍

下官殷性自隨叔父平蠻便荷君王寵任出宰臨城
於今五載近因旱魃爲虐秋成大無小民之飢饉可

憐下官也催科不忍無奈上臺不知體卹嚴檄交催
俺情愿捐貲代完却又宦囊如水幸得俺父親在家
聞信變易家產挾千金而來昨已照額墊解去了又
教俺徧張告示不責民償那些百姓頌聲載道父親
又說他們錢糧雖已代納飢餓無以自存畢竟戶口
流離身填溝壑特將所餘銀兩盡糴米糧廣爲賑濟
昨已造下飢民冊尋個公所親自按名給散不使胥
吏侵漁百姓纔沾實惠料理已定當稟命父親而行
生方巾便服上

前引半單父琴弦官署冷河陽輿板婆心熱俺靈椿來

助爾甘棠須權且

孩兒創民冊已造到麼小生都已停當正要稟知宗
期給贖生孩兒案牘倥傯應酬煩冗俺在此清閑無
事替你出去何如小生如此甚好孩兒卽刻懸牌限
明日齊集高祖廟候賑便是生若逢大旱爲霖雨小
生幸遇有脚之陽春同下外末淨丑旦扮老幼婦女
上走呵春風風人夏雨雨推食食我解衣衣俺們臨
城縣飢民是也只因大旱之後顆粒無收上司不知
疾苦連做雜餉別的州縣爲着自已考成把百姓們
血杖追比死的死逃的逃不爲路上乞兒卽做溝中

餓殍偏有俺縣裡殷老爺佛一樣的心腸哀憫衆生
從無敲朴老爺的太封君也是佛一樣的行事變賣
田產將銀代完俺臨城百姓不知那里來的造化太
封君又念青黃不接之時百姓無以度日現在糴米
賑救飢民在高祖廟親自按名給發俺們一來去領
米糧二來認認殷老太爺怎生樣一個人這等好善
丑像觀音娘娘副淨你看見過是介標致麼丑勿是
觀音爲舍大慈大悲救苦救難淨只怕倒像閻羅王
外末怎麼像這樣兇臉的淨我里正死子去渠放我
里活轉來外休得閑說到此已是散米的所在大家

齊集伺候者你看告示上呵。

南呂一江風合但咨嗟爲着俺饑荒者早晚向泉臺夜
過曲他做俺再生爺廣積了黃梁齊集了蒼黎按口兒親舖
暖他分明是釋迦慈雲徧地遮解脫俺前生孽

生上門子持册隨上生不爲困窮寧有此只緣恐懼
轉須親百姓們來齊了麼衆跪接介齊集了老旦站
起一邊不許擁擠挨次聽點衆是生坐看册介共有
二千餘口唉都是朝廷的赤子你看鳩形菜色真個
可憐

前腔種荒畝不過着青黃接甚處把炊煙借衆泣介正
是苦惱呵生病枯癯瘦損了皮膚熬斷了肝腸媿父母
官虛設衆多謝太老爺憐憫生俺如今呵只和伊畧飽
些還家暫弊些且耐到大小麥收成月

生點名衆挨次應發米挨次接介

仙呂掉角兒序合喜今朝蒙恩太爺保全俺四民生業
過曲散饑糧朝饗暮飧救孱軀到草廬郊舍看臨城千餘戶
命重賒晨和夜不勝銜結婢泥放鱉侯珠療蛇拜介報
殷家公侯萬載衆生酬謝

各負米下生你看那些百姓見有米糧接濟霎時間
都是欣欣有喜色眼見得不至餓死了

前腔歎來時神昏意呆喜歸去笑拖歡扯這米呵穀他
們旬餘飽餐也強似向豪門把子金挪借俺只要禱蒼
天使永盈畝麥盈車酬春社影迷桑柘酒筵唱喏扶歸
日斜那時節豐年好景大家欣悅

集杜願驅象庶戴君王真賜還疑出尚方整頓乾坤
濟時下青春作伴好還鄉下

第二十六齣 閨述

雙調寶鼎現小旦靚妝丑扮了髮隨上曉妝纔罷窗外
花雨吹來不斷隨小步香塵揚砌看嫩晴游絲紫幔料
想得門前楊柳色又把我鶯黃乍換待定省高堂防着天

氣輕寒輕暖

集杜生查子慈顏望遠遊今日潘懷縣脈脈去人遙

眇眇春風見趨庭赴北堂羅襪紅蕖艷更覺彩衣春

但促銅壺箭奴家穎氏是也丈夫殷性昔宰臨城因

公公賑飢還吳歲餘仙逝相公下艱服闋補任商南

婆婆因秦地苦寒不願隨任就養相公單車赴任留

俺在家奉侍高堂雖無巧婦之木幸有慈姑之蔭承

歡効順門內怡然今朝微雨乍晴韶光初煖婆婆想

已起來了髮隨我去問安則箇丑應介且素粧上

搗練子兒遠宦婦承歡長春萱草露華溥笑指門庭佳

氣滿。

〔小旦見介〕婆婆萬福。〔旦〕媳婦少禮。〔小旦〕婆婆體中安否。〔旦〕甚是安適。媳婦。〔小旦〕存。〔旦〕今日天氣甚好。俺和你到院中散步一回。何如。〔小旦〕隨行便是。〔行介〕〔旦〕你看花紅人面。草綠裙腰。簾幙邊。蟾子懸絲欄杆外。燕兒拂剪。晴光駘蕩。一門藹藹瑞雲濃。化日舒長。萬象欣欣。生意足。真好個時景也呵。

〔雙調〕畫錦堂。澹日舒絲。穠花弄影。春光撲上羅純。小步過曲。畫錦堂。澹日舒絲。穠花弄影。春光撲上羅純。小步蘭塔廊下。籠鸚停喚。遊玩偶向青陽偷半晷。暫教紅女閑雙腕。〔合〕朱欄畔。你看蝶鬧鶯忙。休說東風不管。

〔內作織紡聲〕介。〔旦聽介〕這是紡織之聲。何人恁般勤謹。〔小旦〕這是了鬟婦女們。媳婦每日自家限定做些女工。并叫他們各人紡織。庶不習于懶惰。〔旦〕可喜。真是治家有方。但是彼亦人子。不必過于嚴督。〔小旦〕他們有利。都各自入己的。故此自家上緊。不待催督。〔旦〕如此一發。得體了。

〔前腔換頭〕小旦勤趨。總戒遊盤。鳴梭績紡。篝燈自課工完。〔旦〕我也習勤慣了。今雖有了年紀。幸得精神還好。每日也要做些女工。不肯偷閑自在哩。〔小旦〕婆婆。你兒子為官媳婦奉養。正該自在。况是有年紀的人。何苦煩勞。

不享現成衣碗。我心酸想爲承歡甘旨缺。故教俗冗把
高年絆。旦你就是公父文伯的話頭了。難道敬姜的行
事。俺便學不來麼。俺婆婆在日。比俺年紀更高。也是勤
勞如此。合徽音續一向勤儉傳家富貴。豈堪矜滿。小旦
謹遵慈訓行介。

紅林橋。旦盤桓爲芳辰。暫把工夫緩。舉羅幔。筠廊畫檻
花陰一帶掩。映檀欒。染紅香。小卉千般側。近着閒庭別
館。內作讀書聲。介合聞耳畔。何處朗朗書聲。透出重垣。
小旦這是兒子們讀書之聲。旦喜作立。在聽介內讀
介旦妙呵。讀得如此認真。孫兒年紀還小。倒肯用功。

可喜可喜

前腔。小旦熊丸爲傳經母。與師兼半。耽吟翫。趨庭路
喜兒曹有志。不忝衣冠。挺頭角。器宇噴。唬卜異日書香
不斷。旦俺想當初。你公公始爲尋骸。繼而請卹。旣而赴
試。數年之內。奔走燕齊。也是俺親教孩兒。至于成立。你
如今也是如此。合仍舊貫。聽這一派書聲。似嘯鳳吟鸞。
旦孫兒讀書辛苦。該用午膳了。小旦正是。旦不知他
父親獨自在商南任上。近況如何。

醉公子。隔斷看氣候。違涼就暖。感時物。推移歲華。潛換
羈絆。問何日鶯遷兩任花。封應告滿。合榮擢處。願密邇

家鄉大家爲伴

〔雜扮院子上〕魚緘來遠信，鵲喜報新銜。稟太夫人老
一爺任上差人送府報在此。〔旦〕着進來。扮差人上。小的
叩見太夫人奶奶老爺。老爺有書呈上。〔旦〕拆書念介。男殷
性百拜叩稟，叨蒙聖恩，超擢山東觀察使，卽從商南
起身赴任。向者兩宰邊邑，久違祿養。今幸東省近于
燕秦，奉迓母親，率領媳婦孫兒同來署內，母免倚閭
之望，兒慰陟屺之懷。少展烏私，不勝鵲望。院子賞來
人酒飯。〔雜同差人下〕。〔旦〕媳婦且喜孩兒從縣令超陞
觀察使，真是不次之擢，非常之典。小旦婆婆幾時榮
行，媳婦追隨同去。〔旦〕俺次兒守郡東浙三兒宰邑中
州俱係近地，屢次迎養。俺要他一心盡職爲國爲民，
若我在署中未免分心事母，所以概辭不赴。今濟南
是你太公公殉難之所，俺久欲到彼瞻仰一番，未逢
其便。今日天從人願，是不可不去的。

前腔裏款要拜訪埋輪舊館，喜繩祖詒孫宦遊同貫。天
判望歷下非遙，早迓潘輿偏中窾。合同赴任待骨肉相
逢，去期休緩。

〔下〕。且如此須早些打點行裝船隻，擇吉起程便了。
尾聲合新綸忽賁門閭，換錦帆風春隨河畔。回首吳閫

又在雲樹端。

〔集杜〕旦浮雲不負青春色。更肯紅顏生羽翼。〔小旦〕二月六夜春水生。朱紱卽當隨彩鷁。同下

第二十七齣 訪蹟

〔小生〕三絡鬚冠帶。二雜隨上。〔集杜〕河內猶宜借寇恂。一官羈絆實藏身。主恩前後三持節。只在他鄉何處人。下官殷性自奉詔平蠻之後。辭中就外。歷宰燕秦。皇上破格超遷。爲山東觀察使。此地是俺祖公公。巡按時殉難之所。務必上無負于天子。下無慚于祖先。纔是忠孝傳家。顯揚不愧。且喜到任以來。風調雨順。

物泰民安。下官協理河漕。兼理通省驛傳諸務。恢恢游必卧治有餘。前已迎接母親到署。更覺堂上承歡天倫。極樂母親嘗說吾祖殉難。吾父尋骸。必須訪尋其地。憑弔一回。又說濟南百姓曾爲吾祖建祠。須重加脩葺。親臨致祭。今日例應出巡。正好借此訪問遺蹟。左右打導出門。雜應執事上行介。

〔北雙〕新水令。小生喜嚴城煙火萬家稠。颺前旌九衢如繡。肩摩填禹域。壤擊獻堯謠。只看齊州早知道。民物太平矣。

〔雜扮〕二老人上。郡人重得黃丞相。父老爭迎郭細侯。

跪介街坊耆老迎接大老爺小生起來隨着行走俺
正要觀風問俗你們高年之人閱歷已久可將地方
利弊大概說來老人大老爺聽稟

南仙呂步步嬌爲聖主當陽恩膏厚俗美人長壽官清
入雙調吏却賦這是累洽重熙化育成就俺猶記亂離秋幸桑
榆却做了安閒叟。

小生老人家現享太平少年時爲何曾經離亂雜前
朝末年濟南屢遭流寇之難後天兵來伐這一遭小
的們正充丁壯在那里守城親眼見的

北折桂令小生話前朝天棄衰周因此上震動王師引
起戈矛那時節呵可有個躍馬巡城羽扇綸巾緩帶輕
裘雜其時有個巡按御史老爺登城固守小的們也是
奉御史分派守城的小生這官員可能保守這城池怎
樣存留雜那時內無糧草外無救兵御史老爺上城樓
殉難了小生淚介聽說着殉難城樓禁不住淚血交流
到如今萬口流傳痛當時一命歸休

那城樓基址在于何處你可記得雜怎不記得就在
前面小生你引導前去行介

南江見水雜細草城隅路寒風幾度秋邇來世界承平
久雉堞周遭人煙轉只樓基尺土神明守尚鬼哭寒宵

陰晝指介。哪這苔蘚痕留長戀着忠魂如繡。

〔小生〕就是此處殉難的。下馬拜介。我家公公阿三老人私語介。原來御史老爺就是大老爺的祖公公。怪得只管問。

北雁兒落帶得勝令。小生痛煞你軀骸沒處收。只落得史傳虛名受聽。說是親兒鬻指尋到。如今我父騎箕又雜。正是那時節。有一位公子尋骸將十指咬破滴血數十餘處。却尋不出招魂而歸。元來就是大老爺的太爺。小生呀。一個是忠烈重山邱。一個是純孝感冥幽。傳不了道路碑千口。何況是兒孫血兩眸。追求淚濕了清風。

神遲留任車停白日驕。

〔雜〕出了城門之外。是一帶大河。傳說是太爺尋骸時。涉水而過。的小生正要看這城河行介。

南僥僥令。雜循牆城外走。繞郭水邊遊。指介。這是城河。當時兵亂。吊橋不設。太爺尋骸心急。徑是浮水過來。只爲上緊尋骸。馮河渡更不待登橋和泛舟。

〔小生〕看那水勢甚急。當時俺父親如何涉水而過。北收江南阿誰唱渡河而死。奏篋篋拚着個孱軀。出沒當鳧鷖。爲親骸奮勇。退陽侯。俺今日呵策馬路。險且不敢亂流。虧煞俺堅心孝子。怎向水中溷。

老人前朝遺事都虧你記得可曉得巡按老爺殉難之後百姓造個雙忠祠在甚處地方雜有的

南園林好只爲感鴻恩興祠奉酬仙台里香烟未休可惜數年前火廢了忽付與焚如烏有小生嘆火廢了那神主呢雜神主在有人收小生那遺址尚在麼何不重修雜遺址在没人修

小生唉吾祖恁般忠烈百姓恁般感戴尚且滄桑變改脩葺無人俺父親向在臨城賑濟那邊百姓也感恩造個功德祠俺曾因赴補入京道經其地祠堂巍煥廟貌屹然這濟南的祖祠反致湮沒俺若不捐貲

脩造何以上安先祖下慰親心呢

北沽美酒帶太平令祠基蔓草秋祖像冷煙愁俺急待妥侑先靈覓故墟將新補舊慰忠魂一杯酒雜新任濟南府韋太爺也來尋訪這雙忠祠要重新脩建小生哦想俺韋年祖同時俎豆莫不是濟南公他一瓜箕裘雜原說殉難的韋縣令也就是韋老爺的先祖小生一樣的忠臣遺骨却做了同僚契友郡侯一流把忠祠共脩呀纔纔得繩祖武無慙堂構

左右明日約會府太爺脩建雙忠祠擇日起工限期告竣不得有違役應介小生你兩個老人回話明白

着到衙門領賞，雜謝先下。

南尾小生，舉帷半响，環城走喜，故蹟把老人詳叩，早歸去，述向萱堂開笑口，俱下。

第二十八齣 謁祀

中出縷縷金，外冠帶引儀從上，傳經齋鄙籬金去天諱，尺五縮朝簪，祖是神明宰，忠祠留廕待孫兒，五馬又來臨，來臨濟南任，來臨濟南任。

集杜：逍遙公後世多賢，時論同歸尺五天。人到於今歌出牧，長懷賈傅井依然。下官韋鏞，表字周京，新自省郎擢授濟南郡守，記得先祖曾宰歷城，先後祖

宦遊同地，這猶未足為奇。先祖當時與巡按御史殷年祖同在此處殉難，叔父韋康與殷恪世叔同朝相好，下官今守濟南，恰遇東省觀察使毅公，就是年祖之家孫，却又仕宦一處，兩家世好，三代同官，豈不是千秋佳話麼？本城向有雙忠祠奉祀殷韋二祖，年久荒廢，觀察公與俺重加脩建，輪奐倍昔，今已落成，觀察公消吉上祭，下官也追隨行禮，不免先往雙忠祠伺候者，兩家棠蔭春秋祀一樣，蘭蓀上下司，下小生冠帶引儀從上。

前腔：祠堂在好，追尋濟南城內，柏翠森森，古屋棲魂處。

風租烟。賃喜天教孫子嗣。徽音重新見。棠廕重新見。棠廕。

〔雜〕稟大老爺已到雙忠祠了。〔外〕上見介。〔老〕大人。〔小〕生。老世兄。你先在此了。〔外〕老大人。奠祀雙忠。卑府合當陪祭。故在此拱候。〔小〕生。老世兄。當日兩賢共事。今我二人又同蒞此邦。真乃奇緣巧合。〔外〕卑府與老大人三世通家。今日奉陪祭祖。曷勝榮幸。

仙呂入雙調過曲古江兒水。你看輪焉奐焉。不寒而凜。想先靈栖托六十餘來。稔暨茨丹。獲盛於今。〔小〕生。神明式臨。馨香是歆。盼音容前堂後寢。

〔雜〕大老爺拈香。太爺奠酒。〔小〕生。〔外〕拈香奠酒拜介。前腔。合吁嗟。二公曩罹災。稜想忠魂。爭死不啻如狼。曠浩然之氣。感人心。興朝慕欽。輿情誦吟。何況奠靈筵。諸孫來諗。

〔外〕祭禮已畢。聞得太夫人也要親臨一拜。未知確否。〔小〕生。家母來署就養。專爲今日拜祠。魚軒已離衙。就道矣。〔外〕卑府旣辱通家。理應在此候謁。但禮嚴祭祖。未便搢趨。敢告迴避。容日登堂叩見。〔小〕生。世兄請便。〔外〕雙鳧此刻辭公去。五馬他特拜母來。〔下〕旦吉服。老旦丑扮了鬟隨旦唱上。

羽調勝如花魚駢去鸞馭臨仰祠宇悲傷不禁小生接
近詞勝如花魚駢去鸞馭臨仰祠宇悲傷不禁小生接
介母親來了旦來下作入祠介愴然蒿俎豆生香愴迷
離墻垣衣錦祭如在屏營之甚看介這正位是公公神
主那配享的是誰小生就是同殉難的韋公所以喚做
雙忠祠旦當日的雙忠併心自合該千秋並歌如此孤
忠前朝尚無卹典虧得百姓建此公祠聽了僉玉把忠
魂讒譖空留下齊民祠廕合到皇朝始降綸音慰先靈
始責泉陰

小生請母親拈香奠酒旦拈香介

前腔香一炷達孝忱念仲氏齋心斂衽拜介似當時定

省高堂少兒夫同來問寢剛剩下老媳婦攜孫哭臨起
上酒介不覺的啼珠滿襟向几筵把泉醪滿斟公公呵
駐了青禽蒞紅塵來飲單缺個婆婆却怎又拜介合比
不得祭家祠妣祖同歆畢竟是弔雙忠仕宦同任

旦行禮已畢不免瞻仰一回孩兒你公公的雙忠祠
虧你仕宦之便老身得以親來禮拜你爹爹的功德
祠在臨城縣未知何時也得乘便一拜纔遂我心小
生母親自然天從人願役稟介稟老爺合郡官負紳
士要來拜祠在外廂伺候久了旦如此俺先回去以
便諸公進祠行禮暫瞻松桷到先坐板輿回引了鬢

下二役暗下四脚色扮官員上

前腔瞻祠宇千萬尋看兩字猶新墨漆俺們是濟南郡
官員因重建忠祠特來瞻拜小生有頌台駕了衆拈香
介想巖巖浩氣孤忠笑紛紛色莊內荏况兼個其毒如
鳩拜介小生陪拜介衆剛害着鐵腸石心殉國家無慚
影衾幾許纓簪有誰人及您宜獲報孫曾福膺仰高山
豈媿儒林企清風可勵官箴

起別介老大人請了小生明日到貴衙門叩謝衆不
敢四脚色扮鄉紳上

前腔追名宦遺愛深難報答恩膏漉滲俺們是濟南郡

鄉紳因重建忠祠特來瞻拜小生有頌台駕了衆拈香
介你捨身驅勸一戈鉞保家鄉晨餐暮寢這功德銘心
殊甚拜介小生陪拜介衆思着咱烽煙免侵念着伊威
靈可欽冠古超今啟昇平符識叨留下囊箱倉廩今日
呵叩瑤塔繞徧紳衿盼瓊宮想見人琴

起別介老公祖請了小生明日造府叩謝衆不敢下
末扮柴標白鬚仙裝上

大石調催拍似閒雲逍遙闔闔溯飄風聊歸故林見小

生介老大人在上貧道柴標稽首小生答揖介就是柴
先生麼向聞先君嘗頌先生高誼正愁無處識韓何幸

忽蒙訪戴末我城邊訪尋城邊訪尋知道御史遺祠歲久湮沈觀察賢勞造改閔深拜介小生陪拜介末因此上重瞻仰稽首庭陰今日事故人心

〔二役暗上〕小生道長請坐了各坐介小生道長從前金石之誼久已銘心向後雲水之踪可求賜教末貧道蓬萍放浪徧遊三十六洞天響筮逍遙曾棲七十二福地若要覩縷道來恐難上僕數也小生道長身如雲鶴定遇仙緣下官承乏齊東不知作何稅駕末大人係天福星下降功名事業富貴壽考所不必言但急流勇退四字是仕宦一途的要訣大人須牢記

着小生我急流勇退承教了

正宮一撮棹須詳審斯言好關心功成了便無須戀朝過曲赤松子向留侯度金針鳴夷子使越國鑄黃金合好個桑榆景兒孫又榮任歸去也全福享山林

小生道長真有意思的人請到荒署下榻還要朝夕請教末不敢小生左右打道回衙一面備轎迎接柴道人進署末貧道鴻踪雪爪去來無定談心已畢不敢擾累了小生還要細領教誨俗吏尚能邀捉塵高人莫遽學冥鴻同役下末弔擾俺當初與御史公同事繼而與他公子周旋今見觀察公又是五十上下

的人了俺一人之身閱歷殷家祖孫三世真是光陰
易老歲月如流方纔觀察公雅意殷勤要下榻留俺
若一爲羈絆便誤過山之期不若趁早飄然而去做
個至則行矣的光景却不是好集社老夫不出長蓬
蒿公子華筵勢最高舟楫眇然從此去幸分蒼翠拂
波濤下

第二十九齣 慈養

仙呂鵲橋仙小生便服上陳情丹陛聖恩闕廣子告歸
來里巷堂稱晝錦奉萱堂喜遂俺烏私終養

下官殷性蒙聖恩簡用山東觀察璽書屢勞寵賚頻
加持節十年覃恩四世因在雙忠祠裡遇着柴道人
教我急流勇退又因太夫人年高屢欲陳情乞養况
且一門鼎貴仕宦滿朝胞弟殷義浙西轉運使殷閑
河南尹堂弟殷堅少司馬殷約內閣學士殷立嶺西
郡守嫡姪殷懷兒子殷亮俱拜部郎其餘姪戚內而
率衙外而節度真是全家食祿闔門通顯急流勇退
此其時矣爲此上疏陳情願乞終養蒙恩俞允馳驛
歸來向有先人玉壺堂在葑谿之上山池亭榭甲于
吳中俺重加恢廓以奉母親衣綵承歡頗極娛親之
樂今者春和日永鳥語花香不免奉侍母親遊玩一

番者了。髮內應介。小生請夫人扶侍太夫人出來。內
來了。旦扮太夫人。小旦扮夫人。老旦丑扮梅香。隨上。
仙呂八聲甘州。旦年高福享。小旦看太和元氣。充滿華
堂。小生見介。母親出來了。旦孩兒今日好天氣也。合春
風駘蕩。况兼是化日舒長。風吹板輿。花草香。日照斑衣
羅綺。光徜徉。把林泉換却塵幢。

小生母親請到玉壺堂遊玩去。那邊日麗山亭。春融
水榭。紅入桃花嫩。青懸薜荔長。竹高鳴翡翠。沙暖睡
鴛鴦。烟綿碧草萋萋。長雨浥紅蕖。冉冉香。頗足娛情。
不妨移步。旦正合我意。行介。

解醒帶甘州。合似摩詰輞川圖。樣向文饒午橋。摹倣若
論到養親歸里。索使前賢讓比不得。玉壺堂就是東山
謝公。只攜着歌妓賞。栗里陶公。單有稚子。幫誰行似俺。
晚投簪繫侍娘旁。

小旦這邊靠着湖山一帶亭臺。曲折花柳。紆迴婆娑。
不便步行。可將肩輿昇去。小生正是。丫鬟駕軟輿上。
來。老旦丑應下。旦我年紀雖高尚。覺身輕脚健。何用
軟輿。小生小旦寧可駕輿而行。孩兒媳婦心上。纔過
得去。老旦丑推車上。小生母親請登輿。旦坐車。老旦
去。推動小生小旦扶行介。

道宮訓 應時明近合 只見柳舒腰。桃拆頰。喜身過花間。
濕染香。游絲縈百丈。游絲縈百丈。看雕輪觀草。一路穠
芳。慣拂他落花搖漾。

〔丑〕俺脚小路遠推不動了。阿姐你獨自推幾步我來
替換。老旦俺也推了一會。覺得臂裡無力。小生小旦
沒用的丫頭待孩兒媳婦親自來推。推行介老旦丑
旁扶介旦難爲下

前腔合 經文砌過畫廊。某某亭軒。某某堂。蘭陔供玩賞。
蘭陔供玩賞。只見百花深處金萱。十丈心吟。不是表瑞
呈祥。

〔旦〕那邊假山之上有個小閣。是什麼去處。小生這是
白衣大士閣。因母親生平信奉。爲此特建此閣。供養
佛像的。旦這等我要上去禮拜。老旦丑此處車輪難
上。須要步行。旦這個自然。下車行介

雙赤子旦躡緊鞋幫升階而上。作到介。雖然地位窄小。
却喜結構精嚴。菩薩在上。弟子仲氏和南稽首拜介。謝
不盡。以前觀音力。桑榆猶賴康強。還望護持子孫。無志
慈悲無量。起介合幸暮年儘堪娛賞。暮年儘堪娛賞。

〔丙〕作樂介。旦是河處管絃之聲。小生繞閣而下。便是
池河孩兒預備個畫船。在彼着幾個孩子們吹打十

番以博母親一笑了鬟下去撐船過來老旦丑應搖
船介小生小旦扶旦下船坐介小生了鬟們把船兒
慢慢的划內十番場上合唱介

畫眉兒你看魚吹細浪風引牙檣小舟盪漿疎松夾水
奏笙簧疎松夾水奏笙簧花氣渾如百和香暮年儘堪
娛賞暮年儘堪娛賞

小生暫泊柳陰之下看酒來老旦丑進酒內十番介
前腔合絲鳴竹響雲鬢分行金盞隱浪虛無只少對瀟
湘虛無只少對瀟湘飲介指點銀瓶索酒嘗暮年儘堪
娛賞暮年儘堪娛賞

小生了鬟把船兒挨着桃花邊一帶流水順流而行
老旦丑應介內十番介

前腔合青簾白舫看翡翠雙雙鳧鷖兩兩百花潭水卽
滄浪百花潭水卽滄浪喜燕子銜泥濕不妨暮年儘堪
娛賞暮年儘堪娛賞

作到岸介旦今日之樂頗云極矣想起俺婆婆在日
不曾有此受用就是你爹爹也不能勾同享悲介俺
今日未免過分了小生婆婆與爹爹享天上之逍遙
母親受人間之快樂總是一樣莫減歡懷

鵝鴨滿渡船小生小旦合花枝影乍移春水波猶漾洞

壑旁園池上景物如蓬閣堂前王母矐首歡娛暢願祝
壽齡齊天壤俺夫婦呵每年侍奉描今樣

老旦丑稟老爺午飯口設在玉壺堂請太夫人用膳
小生夫人陪婆婆午飯去小旦曉得

尾聲合白雲鄉烏衣巷承歡佳話冠吳閫就使天子聞
之也有光

集杜旦老年花似霧中看小生竹裏行厨洗玉盤小
旦愛日恩光蒙借貸老旦丑與來今日盡君歡同下

第三十齣 福緣

外白壽扮院公上清朝燕賀人紫誥鸞迴紙鸞飛報

主身委曲承顏體芬芳孟母鄰奕葉班姑史尊榮邁
等倫富貴當如此老漢乃殷府中院公便是俺家先
太老爺巡方殉難史載忠臣先老爺越境尋骸人稱
孝子大老爺又平蠻有功歷任山東觀察蒙恩乞養
娛志林泉門第甲于三吳家風勝于萬石明日是仲
氏太夫人百歲壽辰恰好今朝元旦有個欽差內監
賞賜御書卽刻將到二老爺三老爺衆位小老爺各
在任所衆位小相公京中御試都不在家單有大老
爺一人應酬煩雜忙個不了老漢今年八十餘歲却
喜精神還健少不得要效勞奔走一番道猶未了大

老爺早已出來也小生冠帶上

中呂滿庭芳半畫錦堂開午橋莊啟萊衣重試嫋嫋金花寶誥天際鳳銜丹

集杜金章紫綬照青春戶牖憑高發興新置酒張燈促華饌起居八座太夫人下官殷性因母親明日百歲誕辰恰蒙聖恩御書給匾此刻將到侍夫人出來一同迎接小旦冠帶上

前腔後半最喜萱庭耐久似層城王母臨凡長春宴奉觴進酒百歲永平安

小生夫人即外欽差賚到御書匾額給賜母親請母

親出來迎接謝恩小旦妾已稟知婆婆當即出來也老旦扮丫鬟扶正旦兜頭披風上

前腔換頭半門闌多喜氣歲朝恩錫笑展衰顏受晚景榮華如在蓬山

小生揖介稟母親知道明日乃母親百歲大慶聖上親灑宸翰給賜扁額即刻到門待排香案謝皇恩即捧霞觴稱母壽旦君恩深重須要十分小心祝壽之事不妨少緩副淨扮內監捧詔末捧袍生捧冠淨丑搵匾額隨上

換頭後半親捧綸音到此羨祥雲繞徧吳關誇人瑞一

封鸞篆黃髮好扶看

聖旨下。且小生小旦接跪介。副淨奉天承運皇帝詔曰。褒忠錫孝萬世之常經。敬老尊賢一王之大典。咨爾殷性之祖。前山東巡按御史殷旭忠節可嘉。已經卹贈外。今加贈太子太傅上柱國祖母王氏。加贈一品夫人。爾父欽賜學士殷儉。孝行丕著。今加贈光祿大夫。母仲氏。婦德允嫻。母儀足範。年登百歲。人瑞國華。今加封一品太夫人。特賜御書北萱映綵匾額一座。百歲壽衣一襲。長壽珠冠一頂。爾殷性能文能武。克孝克忠。暫以乞養里居。儲作蒼生霖雨。其餘子弟。

俱擅賢能。各就本官。加封晉秩。并賜大宋國號。爲姓以見與國同休至意。欽哉謝恩。且小生小旦萬歲萬歲。萬萬歲。副淨請過聖旨。小生接付外介。香案供着。副淨御賜冠服。請太夫人穿戴。御書匾額懸掛起來。咱暫歇公館。明日專誠拜壽。小生不敢。副淨君恩南極滿。人瑞北堂尊。同生末淨丑下。內吹打場上供北萱映綵匾介。且戴珠冠穿壽衣介。大家一同望闕叩謝天恩。同小生小旦拜介。

中呂過曲。山花子。合。遙瞻雙闕星雲旦。天朝恩重如山。沛新綸。雨露未乾。荷榮光寵錫。遙頒願。吾皇金甌永安。無疆。

萬壽顏渥丹。山呈器車河。息瀾從此年年叩祝龍顏。

〔小生〕今日歲朝又逢大誕，恰受皇恩慶賀之事，不一而足，母親請上孩兒媳婦們先賀御書冠服加封之喜。小生小旦拜介。

〔前腔〕合高門紅日光初旦，翰軒忽賁家山，捧宸章墨跡乍乾。更筭珈象服榮頒太夫人綦巾自安，誰想着君王錫類恩詔丹汪洋，雨膏如海瀾。從此年年咫尺天顏。

〔小生〕再爲母親慶賀元旦，令節同小旦拜介。

〔前腔〕換頭合春光又還新歲逢元旦，晨曦影射屏山，換桃符丹青漸乾。一編兒鳳曆初頒，願高堂興居萬安。萱

花放出金樣丹，靈芝有根泉有瀾。從此年年仰侍慈顏。

〔小生〕賀節已畢，看酒來預爲母親煖壽。外老旦遞酒與小生小旦作樂定席各坐介。

〔前腔〕衆合欣逢這番百歲期，願旦誠然壽比南山指東溟蓬萊水乾，看華顛未白纔頒靠天公眠餐儘安。何須遠覓還少丹，紅螺酒香杯瀉瀾。從此年年鶴髮童顏。

〔小生〕喚家伶演戲，末上送戲目，小生接送旦看介。旦只揀新戲唱，是那一本好？末新打的忠孝福第一好。

〔旦〕好的留待明朝正日做罷。末斑衣記也好。旦就是斑衣記。末演斑衣記。下內吹打秦腔鼓笛介。丑紗帽。

圓領白鬚持笏扮老萊子上唱

〔西調〕俺年過七十古來稀上有雙親百歲期不願去
爲官身富貴只願俺親年天壤齊下官老萊子楚國
人也楚王要俺任官疊進崇階因俺雙親年皆百歲
故此解組歸田養親爲樂只是爹媽見俺年紀七十
有餘像個老人模樣他心裡覺道自己又大了二十
餘歲豈不更加龍鍾窺其意思每有悶悶不樂之態
如何是好噯有了不免卸下衣冠扮作孩子形狀到
爹媽跟前跳耍一回以博歡笑有何不可且作斑衣
戲聊娛白髮人〔下〕淨男扮白髮白鬚拄杖上唱膝下

孩兒已不止七十歲爭教爲父的不衰顏〔副淨女扮

白髮拄杖上唱百歲光陰能有幾不見那白髮皤然

膝下兒老人家走了幾步且坐坐兒對面坐介〔副淨

俺今朝對鏡梳粧覺得老邁之極偷眼看你也不像

新做親時候了〔淨〕你只看兒子已成老翁怪得我和

你不老〔合唱〕龍鍾拄杖支駘背日月如梭不住催〔丑

着百開綵衣掛一小孩胡面子頭梳丫髻赤腳手足

帶鐺騎竹馬跳舞上〔淨〕副淨拍掌大笑介〔旦〕小生小

旦俱笑介〔丑〕唱身衣繡襖頭丫髻把竹馬絲韉堂下

騎爹娘且把麗簪開一會看取孩兒可像個五歲兒

作跌介淨副淨阿呀孩兒起來唱你跣蹬的滑擦跌
在地可不跌壞了斑斕五色衣丑賴地不起打滾作
小兒啼哭介可是俺姐姐和弟弟潑水在堂前作弄
誰淨副淨大笑介你那里有姐姐弟弟到會賴人起
來罷淨唱你可要糕菓兒甜甜纔肯起懷中取菓與
丑丑吃菓淨抱丑起介哈哈唱宛然是七十年前懷
抱時丑急走向副淨懷中摸乳介副淨大笑介唱你
看他樓抱娘懷嬌索乳誰知俺乾癟下當只剩兩瓣
皮丑戴胡面子舞介淨副淨倒舞得好看合唱小孩
小孩舞一回天魔隊袖拂庭花繞砌飛丑翻筋斗介

淨副淨竟是個小孩子合唱他軀骨輕鬆好似童男
子全不像衰年一點兒淨副淨投杖起立介看孩兒
恁樣頑皮俺老人家也覺得精神百倍了合唱俺和
你莫頹了孩兒氣且向嬰鑠場中樂一回丑起合唱
願椿萱永遠長如此留得萊衣歲歲披演成一齣斑
衣記傳與梨園萬載垂同下生扮報人上堂前歡祝
壽膝下報陞官報太夫人喜諱義的二老爺諱閑的
三老爺俱已高陞藩臬諱亮諱懷諱胃諱敷諸位小
老爺榮擢監司府尹省郎末扮報人上彩衣方進酒
金榜又簪花報太夫人喜恩科殿試諸位小相公俱

賜進士及第了。先下旦且喜子孫仕宦鶯遷。曾孫又
臚傳鰲占。這都是你祖父積德忠孝。詒謀之報也。小
生小旦正是。

大和佛合祖父詒謀人世罕。從古難忠臣孝子。在青簡
萬年看堂前壽母。全天福膝前孫子滿朝班。總是酬忠
答孝存公案。誰道皇天無眼。逢華誕喜事重重。不得閒。

外稟老爺外廂通省官員各郡紳士送賀儀壽禮錦
屏絳蠟絡繹紛紜如何打發。小生院公把禮帖登號
待明日次第裁答。

舞霓裳合看取祥雲罩門闌。罩門闌酌取流霞勸加餐。
勸加餐。今朝越報得春暉慣。休說陳書北闕討南蠻。做
陝右齊東名宦人。問世富貴神仙任憑揀。

紅繡鞋玉沙王母垂髮垂髮錦堂萊子衣斑衣斑纒臘
去又春還增歲月保平安。玉壺中委實超凡超凡。

意不盡流傳須與梨園扮。可知道忠孝之家福最繁。賓
筵板簡是叱石餘閒將宮譜按。同下。

集杜隱几蕭條戴鵬冠 匣琴流水自須彈
數廻細寫愁仍破 孝子忠臣後代看

其二 向來哀樂何其多 不見堂前東逝波
此曲祇應天上 有 幾時回首一高歌

其三樓上炎天冰雪生
誰家巧作斷腸聲
別裁僞體親風雅
轉見千秋萬古情



